

藥師如來法門講述錄

弘一法師誨劉錦松居士編



茶師及來法白誨述好

荷以極意航題



南無日光徧照菩薩摩訶薩

南無藥師瑠璃光如來

南無月光徧照菩薩摩訶薩

藥師瑠璃光如來大陀羅尼

南謨薄伽伐帝 鞞殺社 窣嚩薜

瑠璃 鉢喇婆 喝囉闍也 咀他

揭多耶 阿囉喝帝 三藐三勃陀

耶 怛姪他 唵 鞞殺逝 鞞殺

逝 鞞殺社 三沒揭帝 莎訶

序

藥師經向爲縑素所樂誦。而於修淨土宗者。尤有助於決定生西之利益。桐鄉沈覺塵太史報恩論。專宏淨土。語多新穎。而於其往生公據助行中。亦列有藥師本願經及禮藥師佛之規定。是此經之當與法華普門品楞嚴勢至章之爲日常誦本也可知矣。近年佛學書局。出有藥師經旁解。仿宋大字。尤爲學人所樂持。弘一法師在泉中。講述此經脩持法門。可謂妙契時機。劉居士編印流通。尤有功德。爰應其請。略弁數言。

庚辰春日丁福保序



藥師如來法門講述錄目次

序

藥師如來像

弘一法師近影

藥師如來及菩薩聖號

藥師如來大陀羅尼

藥師如來法門略錄

藥師法門修持課儀略錄

藥師如來法門一斑

跋

藥師如來法門講述錄

沙門弘一述

藥師如來法門略錄

藥師法門依據藥師經而建立。此土所譯藥師經有四種。

(一)佛說灌頂拔除過罪生死得脫經一卷，卽大灌頂神咒經卷十二，東晉帛尸梨蜜多羅譯。又相傳有劉宋慧簡譯藥師琉璃光經一卷，今已佚失。或云卽是東晉所譯之灌頂經。

(二)佛說藥師如來本願經一卷，隋達摩笈多譯。

(三)藥師琉璃光如來本願功德經一卷，唐玄奘譯。此卽現今流



通本所據之譯本。現今流通本與原譯本稍有不同者有增文兩段，一爲依東晉譯本補入之八大菩薩名，二爲依唐義淨譯本補入神咒及前後文二十餘行。

(四)藥師琉璃光七佛本願功德經二卷，唐義淨譯。前數譯唯述藥師佛此譯復增六佛故云七佛本願功德經，以外增加之文甚多。西藏僧衆所讀誦者爲此本。

修持之法具如經文所載，今且舉四種如下。

(一)持名，經中屢云聞名持名因其法最爲簡易其所獲之益亦最爲廣大也。今人持名者皆曰消災延壽藥師佛似未盡善，佛名唯舉藥師二字未能具足。佛德唯舉消災延壽四字。

亦多所缺略，故須依據經文而稱曰藥師琉璃光如來斯爲最妥善矣。

(二) 供養，如香華幡燈等。

(三) 誦經，及演說開示書寫等。

(四) 持咒。

所獲利益廣如經文所載，今且舉十種如下。

(一) 速得成佛，經中屢言之。

(二) 行邪道者令入正道，行小乘者令入大乘。

(三) 能得種種戒，又犯戒者還得清淨不墮惡趣。

(四) 得長壽富饒官位男女等。

(五)得無盡所受用物無所乏少。

(六)一切痛苦皆除，水火刀兵盜賊刑戮諸災難等悉免。

(七)轉女成男。

(八)產時無苦，生子聰明少病。

(九)命終後隨其所願往生

人中，得大富貴。

天上，不復更生諸惡趣。

西方極樂世界，有八大菩薩接引。

東方淨琉璃世界。

(十)在惡趣中暫聞佛名卽生人道修諸善行速證菩提。

靈感事蹟甚多如舊錄所載，今且舉近事一則如下。

泉州承天寺覺圓法師於未出家時體弱多病既出家後二年之內病苦纏綿諸事不順，後得聞藥師如來法門遂專心誦經持名懺悔精勤不懈迄至於今身體康健諸事順利，法師近擬編輯藥師聖典彙集凡經文疏釋及儀軌等悉蒐集之刊版流布以報佛恩焉。

跋

曩余在清塵堂講藥師如來法門後由諸善友印施講錄其時經他人
輾轉抄寫頗有訛誤茲由覺圓法師捐資再版印行請余校正原稿廣
爲流布法師出家以來於藥師法門最爲信仰近擬於泉州興建大藥
師寺其願力廣大尤足令人讚歎云

沙門一音

藥師法門修持課儀略錄

藥師如來法門大略，如大藥師寺已印行之藥師如來法門略錄所載。

今所述者，爲吾人平常修持簡單之課儀。若正式供養法，乃至以五色縷結藥叉神將名字法等，將來擬別輯一卷專載其事，今不述及。欲修持藥師如來法門者，應供藥師如來像。上海佛學書局有石印彩色之像，可以供奉，宜裝入玻璃鏡中。供像之處，不可在臥室。若不得已，在臥室中供奉者，睡眠之時，宜以淨布覆蓋像上。

藥師經，供於几上。不讀誦時，宜以淨布覆蓋。

供佛像之室內，須十分潔淨。每日宜掃地，並常常拂拭几案。供佛之香，須擇上等有香氣者。

供佛之花，須擇開放圓滿者。若稍殘萎，即除去。花瓶之水，宜每日更換。若無鮮花時，可用紙製者代之。

此外如供淨水供食物等，隨各人意。但所供食物，須人可食者乃供之。若未熟之水果及未烹調之蔬菜等皆不可供。

以上所舉之供物，應於禮佛之前預先供好。凡在佛前供物或禮佛時，必須先洗手漱口。

此外如能懸旛燃燈尤善，無者亦可。

以下略述修持課儀，分爲七門。其中禮敬讚歎供養迴向發願，必

須行之。誦經持名持咒，可隨己意，或唯修二法，或僅修一法，皆可。

一 禮敬

十方三寶一拜，或分禮佛法僧三拜。本師釋迦牟尼佛一拜。藥師琉璃光如來三拜。此外若欲多拜，或兼禮敬其他佛菩薩者，隨己意增加。

禮敬之時，須至誠恭敬，緩緩拜起，萬不可匆忙。甯可少拜，不可草率。

二 讚歎

禮敬既畢，於佛前長跪合掌，唱讚偈云。

歸命滿月界 淨妙琉璃尊 法藥救人天 因中十二願

慈悲弘誓廣 願度諸含生 我今申讚揚 志心頭面禮
右讚偈出藥師如來消災除難念誦儀軌。唱讚之時，聲宜遲緩，宜莊重。

三 供養

讚歎既畢，於佛前長跪合掌，唱供養偈云。

願此香花雲 徧滿十方界 一一諸佛土 無量香莊嚴

具足菩薩道 成就如來香

供養畢，或隨己意增誦懺悔文，或可略之。

四 誦經

字音不可訛誤，宜詳考之。